

三臺縣志卷之丁

列女志

節孝 貞女

節烈 烈女

明睢江漢詩咏國風女誠壺儀禮詳內則婦人三從四德猶士君子之五常百行守而弗失無足矜奇乃不幸而早喪所天未亡孀守遭父翁之不諒遇強暴之欲污或截髮明心或割鼻見志一時勢迫就義捐軀此皆鍾坤輿貞淑之氣不愧為巾幗完人三臺即古涪郡地溯自漢魏迄明貞烈之婦光耀史冊及

三臺縣志

卷之七 列女

足垂芳不朽亦風世之一端也

節孝

漢

李珥字進娥鄴人李氏女馮季宰之妻見華陽國志

蜀漢

文極字季姜梓潼人將作大匠王敬伯夫人也少讀詩禮敬伯前夫人有子博女紀流二人季姜生康稚芝女始示凡前後八子撫育恩愛親繼若一堂祖母性嚴子孫雖現官二千石猶杖之婦跪受

於堂歷五郡祖母隨之官後以年老
姜亦常侍養左右紀流出適分已婢給之博好寫
書姜手爲作表於是門內相化動行推讓博妻健
爲楊進及博子遵婦蜀郡張叔紀服姑之教皆有
賢訓號三母堂亡義救康稚芝婦事楊進如舅姑
中外則之皆成令德季姜年八十一卒四男棄官
行服四女亦從官舍交赴內外冠冕百有餘人

明

姚氏舊州人張保兒之妻夫亡子方五月守節撫孤

三臺縣志

卷之七

列女

二

歷四十餘年宣德初旌表

楊氏舊州楊孝廉茂之女適宗禮年十七夫死誓不
再嫁奉舅姑四十五年操守清約後旌表

黃氏舊州人副使偉之妹年十七適同郡劉異甫六
年甫卒順事舅姑撫一子相依守節人擬爲其姜
嘉靖初旌其門

李氏舊州庠生王爲翰妻夫亡遺三歲子崇岳李勤
紡織購書教之有孟母風後崇岳博學爲一時名
士人以賢母稱之

歐氏舊州張正論妻年十八守孀育未彌月子世印
成立八十年奏奉旌表其門曰青年白璧

石氏舊州學生任國玉妻夫卒年十九髡首毀面孀
居五十年事聞旌表

賽連舊州侯元亮妻年二十二守節歷五十餘年卒
陳氏舊州庠生文友妻無出勸友再娶江氏生子祚
光僅襁褓友歿陳與江撫孤讀書登鄉貢享年八
十七歲

湯氏舊州李湯聘之女適庠生王祝甫三月姑張氏

三臺縣志

卷之七 列女

病篤湯割左股救之尋愈又期年姑死夫亦繼死
湯時年十八誓不更適日惟哀泣竟成病卒

吳氏舊州舉人萬谷暘妻獻賊拘紳士家口入城姑
曰汝子女幼宜撫之我當往吳曰姑年老願以身
代拜辭畢子女泣畱絕袂而去至則死之

皇清

田氏舊州人年十六歸唐峻德二載夫亡旬日不食
幾以死從念姑老子幼俯仰無依乃苦志守節不
憚辛勤歷三十七載有司詳請建坊

山氏舊州庠生楊安仁之母夫死守節雍正五年奉
旨旌表

李氏舊州王繼緒妻年二十二守節辛苦食貧篝燈
課子長模登賢書次楷列膠庠歷五十三載奉

旨旌表

張氏舊州人原任江南千總薛應試妻隨夫之江南
年二十五夫卒於官氏跋涉萬里扶櫬歸葬代夫
養親育子慈孝兼至守節四十七年奉

旨旌表

三臺縣志

卷之七

列女

四

岳氏邑人年十七歲適劉國重爲妻生一子一女二
十六歲夫亡孝敬翁姑婦兼子道撫孤課讀有聲
庠序守節四十七年爲七十三歲之完人乾隆十
五年詳請旌表乾隆十八年奉

旨旌表

周氏邑人年十四適王元邑爲妻二十二歲而寡既
無恒業堪恃又弱息俱幼零丁孤苦甚至拾橡粟
以充饑後三子有成孫曾羅列族里重其節尤頌
其賢乾隆三十二年奉

旌表

王民生員杜宗賢妻生二子二十三歲夫亡時翁姑
既耄孤幼無依且家徒壁立貧苦尤甚氏則仰事
俯育備極辛勤族里靡不哀之後翁姑歿喪葬胥
盡禮教長子溥遊泮聲重士林冰操霜節歷六十
五年如一日乾隆十七年奉

旨旌表三十三年詳請入祀節孝祠

鍾氏邑人羅茂九之妻羅貿易出有近鄰張某者士
豪也慕氏色乘間逼之不從忿甚卽投河斃乾隆

二臺縣志

卷之七 列女

五

三十五年旌表前太守沈清任有文鐫於坊額

譚氏于歸邑人湯元暹爲妻年二十三而夫亡時六
旬嫠母無倚三歲孤兒失怙氏矢志守貞曲盡其
道姑壽九十二卒哀毀喪葬如禮教子之銘入泮
婦儀庭訓終始謹嚴享年六十歲奉

旌表

李氏處士周占鰲妻結褵數載占鰲卒氏青年守志
孝事孀姑撫孤成立子廷瑞十八歲卽遊邑庠教
諸孫不稍姑息長孫承豐爲邑增生乾隆甲寅有

司詳題奉

旨旌表建坊於景福院今其次孫尙錡嘉慶庚午舉賢書皆秉氏訓也

范氏邑人楊舊萬妻二十餘歲夫客死氏無子依姑歐陽氏以十指自給四十餘年清操自矢今歐陽八十有六氏已六十有八矣照例詳請

旌表

節婦楊范氏小傳

邑令 沈昭興

嘗謂縉紳之家讀書明禮閨房之中嫻內則而嚴

三臺縣志

卷之七 列女

六

節搯者比比然矣然或重於門第或格於事勢或激於好名更或有子可望有產可恃則栢舟之詠未免勉而行之尙不足異獨異乎窮鄉匹婦守節事姑而又出於自然行所無事如楊范氏者斯真難能而可貴者矣范氏者本農家女適邑人楊舊萬于歸未久萬客死荆楚氏年二十餘且無子誓不他適萬弟舊億等五人分父遺業而不及氏氏弗與較女紅自給奉姑歐陽氏得其歡心今歐陽八十有六而氏已六十有八矣嘉慶十三年億等

以他事。余廉得其情，嘆曰：夫死無子而不嫁，是其節也；姑婦相依四十餘年，和順無間，言是其孝也；分產不爭，是其讓也；若此者，可謂安而行之者也。求諸詩禮之門，且難其選，何況鄉曲小民哉！有婦如此，烏可以不嗣？乃召其族黨，擇億子家祿爲之嗣，且析其產，並書匾額以表其門，詳叙始末，白於上官，以例請旌焉。

旌表

以下未請

三臺縣志

卷之七 列女

小

張氏年十六適三臺楊昂爲妾，數月昂亡，氏矢志，柩舟不出庭戶，行止惟一女童侍之，年逾八袞始卒。其先一日謂女僕曰：吾今欲逝，乃爾祖母誕期，恐不成歡，明辰當遠人間也。次日果逝。

李氏舊州鄧嘉賓之妻，嘉賓病篤，謂李曰：若年少，家又貧，其他圖之。李泣曰：妾之不死，特以幼子故耳。乃斷髮預入嘉柩中，以示信。嘉淚下，沒李，苦節教子，始終無異。鄉人羣服其節，撰

黨氏舊州貢生李明遠妻，年十八，明遠歿，子瑤甫一

歲黨與繼姑張氏共勵清操撫瑤成立及張卒瑤亦卒家極貧黨志愈堅

葉氏舊州楊鼎妻年二十四夫歿家貧守節勤女工以膳翁姑訓子安仁安禮俱入宮牆

王氏鄧柱妻年二十五孀居家貧姑老子燭與爇俱幼氏竭力奉養撫育艱苦備嘗後衣食漸裕壽至九十二而終

顧氏適邑庠生鄧灼年二十三灼卒家素貧氏誓志撫子鍾文成立年七十三始卒

三臺縣志

卷之七

列女

八

劉氏射邑人適邑人劉基爲妻年二十夫歿遺一子甫三月氏堅志撫孤成立卒年七十

丁氏邑庠生丁世傑之女庠生張羽之妻夫亡年二十九勤機杼盡孝養子天復撫孫入庠年六十有六卒

趙氏邑人黃思九之妻年二十八而孀有欲奪其志者氏堅持不動事親訓子卒光門戶於乾隆四年太守武公旌之曰壽膺栢操卒年八十一

顧氏雍正癸卯適邑人張仕儒爲妻素嫻內則不苟

言笑咸里咸奉爲女宗生子佐綱甫周歲夫亡時年二十七家貧甚依堂伯叔存活辛勤撫子佐綱復早夭乃撫遺孫二及成立氏年已六十有五遂卒邑人咸以未及請旌爲憾

尹氏楚邵陽人年十七于歸處士羅應善生五子奉翁姑終喪後時氏甫三十隨夫入川中途夫故哀毀喪葬痛不欲生攜長子文揚年十二次文樸九歲三文權六歲四文柳三歲五文模僅三月流離轉徙至邑依伯兄以居躬勤紡織孀操嚴峻邑人

賢之後親見其子文模入膠庠孫章煥亦食餼壽至八十二乃卒

胡氏于歸邑趙猗年十九甫生一子而寡辛苦守節五十餘年子姓日繁衍壽至七十四歲

黃氏適邑人李樹立爲妻未三載而樹立亡氏年二十歲撫姪聯捷爲嗣上事翁姑下撫嬰孺享年八十有三諸孫羅立人以爲苦節之報

敬氏邑人覃繼祖之妻年二十二夫歿矢志苦守事姑克孝撫繼先子維崑爲嗣成立衆服其冰操年

七十餘乃卒

宋氏邑庠生馮岳之母年二十二夫逝矢志守節撫子成立享年七十六卒

周氏邑人李正元妻年二十三夫歿遺二孤氏勵節欲成夫志以義方訓子其長子毓泗遊庠有文名里人欽母教焉現年七十有四

王氏年十七適邑人萬嵩喬爲妻嵩喬士人也奮志詩書名不遂家貧甚夫婦相敬如賓閱三載而嵩喬歿氏矢志守節勤紡織以事姑嫜撫兩叔遺孤

三臺縣志

卷之七

列女

如已出以姪舍光爲嗣教之成名遊泮水入貢享年七十有五歲

李氏邑人楊子明妻母黃氏病篤氏急歸視禱於觀音大士前籲禱割股和羹以進病遂瘥後姑江氏病篤氏亦割股進姑病亦愈今壽七十有六人咸以孝稱

向氏適邑人蕭奇敬爲妻年二十五歲守節孀居子媳俱無茹苦歷艱志弗少變或同行輩有偶爲笑語者必面呵斥之其天性嚴正如此現年七十五

歲

王氏適邑人鄧洪傳二十九夫歿堅志勵節辛勤自
甘不爲浮言所動事親撫子盡孝慈之道玩年六
十有八

苗氏邑人張心耀妻年二十五夫亡子寅武甫二歲
家極貧氏拮据撫孤後爲寅武婚娶數年夫婦又
相繼逝遺二孫俱幼苗復盡心撫之日事女紅以
活雖飲冰茹蘖甘如飴也現年六十有八

胥氏邑人高麟瑞妻年二十七夫卒遺一子復天家
貧甚依族姪日事女工自給雖至親弗見也現年
六十有七

劉氏邑人李正時妻年二十三夫亡遺一子棟甫三
歲氏矢志靡他教其子慈嚴兼至棟成立後名雖
未就亦能克家以慰母心氏現年六十有八

張氏邑人年十八適陳學練二十二歲而寡生三十
長文正甫三歲次文秀二歲其三爲遺腹子名文
通夫歿之月餘生初家貧僅餘田數畝氏勤而能
計入量出衣食得無缺事姑生養死葬胥盡禮諸

子成立遵母教俱嘖嘖傳孝友聲今氏年六十有五內外稱賢孝無間言

郭氏邑人王親仁之妻年二十四夫亡撫幼子誓不改適備極勤苦現年六十有五

李氏邑人李本坤之女適張仲立年二十三夫亡遺一子家貧窶氏勤女工以供甘旨值姑病割股醫之遂愈撫子能訓以義方現年六十有四

駱氏邑人鄧洪運妻二十一歲于歸生二子一女二十九歲夫故長子模楷四歲次子模杞僅三月氏

誓撫遺孤無二志奉翁姑養葬如禮躬勤績絰并課讀督耕家業日裕子孫成立現年六十七歲

王氏邑人鍾文之妻年十九而寡遺一孤甫二歲事姑撫子慈孝兼至氏現年六十有七

霍氏景氏陳氏霍爲邑人周卜夏妻年二十七卜夏卒遺子人哲人先俱幼苦節撫之人哲妻景氏年

二十五守節亦撫二子成立人先妻陳氏年二十三守節又撫遺腹子成立今霍年七十有二景年五十有二陳年五十有一姑媳妯娌共事女工度

日始終如一里人稱爲一門三節

霍氏邑人吳君照之妻年二十二歲君照病亡遺腹生子氏矢志守節霜操凜然卒撫其子有成現年六十二歲

邱氏邑庠生郎國選之女幼嫻姆教于歸王乾仁年十八而孀矢志勵節荼苦自甘課子熊立志讀書有聲庠序現年六十歲

毛氏邑人劉安華之妻年二十五夫亡時翁老病危割股以進復愈越數年而卒氏現年六十歲

三臺縣志

卷之七

列女

十三

王氏皮氏王爲邑人何景妻年二十六而寡遺孤自洪尚幼王矢志不渝撫子成立卒年八十有四皮爲自洪妻年二十一夫死遺孤中興甫周歲皮志亦如姑事姑恭謹如常及子長婚娶未踰年尋卒遺腹生孫媳又隨亡皮竭力撫再世孤艱辛倍至孫亦賴以克成可謂節孝慈兼盡矣

羅氏雍正丁未武進士邑人羅朝瑾女許聘同榜進士邑人譚經之子景峩時父翁俱官湖廣守備遂在任于歸氏年十七翁卒於官氏與夫扶櫬歸里

途中三歲子殤夫亦旋歿氏哀毀幾不欲生以姑唐氏六旬無倚輟泣支撐值家計艱窘門無次丁日用甕飧辦於十指姑婦相依四十餘年謹勤如一日族人憐其節孝撥恭慤譚公祭田租以贍之二歲家又貧無以自給氏不得已攜女歸依母家楊氏邑人周人鵬妻年二十六夫歿無子遺一女甫誓死守節現年五十有六

于氏邑人王昭之妻翁體仁早卒事病姑唐氏備致孝養及卒葬祭盡禮乾隆乙酉王昭亦卒氏年十

九遺子二長二歲次甫生四月孤弱無倚又值叔翁將敝廬出售欲毀其姑與夫木主而嫁之氏乃抱子負子避歸母家勤女工度日徹夜不輟幾至喪明苦節二十餘年子漸成立

楊酉姑邑人維寬之長女年十八未于歸聞姑李氏病篤乃割股合羹遣人送至姑家李食之病尋愈後李知其事卽促子成婚新婦入門喜形於色又一月病發笑語家人曰吾有佳兒佳婦可以瞑目矣遂亡

黃氏邑人登榜之次女十八歲于歸辛酉科進士湯
虺之曾孫用卿生長子湯銘甫兩歲夫亡又一月
生次子湯鼎時翁已前卒姑年邁既無叔伯終鮮
兄弟氏竭力孝養摒擋家務撫幼孤俱成立識者
以爲克繼武前人蓋稱湯氏未亡人者今二十有
八鄉人羣服其節

楊氏邑人黃綱妻年二十二而寡遺一子甫三歲矢
志栢舟奉姑撫子今姑年八十有五楊年五十有
二愉愉一室松壽之徵

三臺縣志

卷之七 列女

五

景氏邑貢生星之女適邑人魏先培年十九而寡無
子哀痛幾絕以孀姑年及四十宜代夫奉侍終身
遂誓不再醮後勸姑撫姪爲嗣氏卽以叔所出之
子爲嗣子道婦道一身肩之鄉黨宗族咸稱其苦
節焉

陳氏邑人文化澤妻年二十一守節遺二子俱幼家
貧無所倚攜子歸母家紡織辛勤歷三十年不輟
二子亦孝友謹厚戚黨稱之今氏年五十

黎氏邑人陶宗賢妻年二十六夫歿遺三子俱幼氏

勤儉治家爲諸子婚娶備歷艱難迄今年五十餘
守志苦節如一日也

劉氏邑人鄧鍾臺妻年十九守節家貧遺一子甫六
月氏茹苦育孤或欲奪其志者氏厲色拒之曰妾
所守者爲此孤耳不然有死而已現年五十有一
劉氏邑人景國簡妻年二十五夫歿無子氏撫姪承
祧年已五十

黃氏邑人黃品一女年十七適劉尙正爲妻生子二
長五歲次三歲夫亡家極貧血指以奉甘旨姑卒

喪葬盡禮苦節二十三年含哀茹慟一意撫孤逮
成立撫抱一孫而長子三懷又卒履境逾苦勵節
益堅現年四十八歲

張氏遂寧舉人張懋文女三臺縣監生萬緯之妻多
病不孕納妾彭氏生一子人英未朞年夫病歿氏
年僅二十有八矢志守節孝養翁姑無時少懈撫
妾生子教養兼至未及冠爲之娶媳楊氏生子國
治甫數月而父子皆歿氏益苦與妾二人相依爲
命後乃撫抱姪人傑之子國憲爲人英嗣國憲少

穎悟能文以顯揚爲志蓋亦由氏之教也氏年
八十三歲

陳氏鹽亭人三臺劉年妻年讀書未就又學武亦無
成賚志以歿時氏甫二十五歲三子俱幼節操峻
勵勤紡績以課兒或饗殮不繼則挑野菜拾橡實
以充饑親族有憐之者謂艱辛至此果能撫子克
家乎氏憤然曰未亡人守節分也若得諸雛長成
必使成父志吾乃可以見夫子於地下也聞者肅
然後教長子榮宗入泮次子際亨中庚寅武舉蓋

節雖苦而報亦隆矣氏現年七十猶康強人以爲
松柏勁節宜壽而榮

唐氏邑生員唐廷俊女年十六于歸同邑士人史流
芳姑早喪事衰翁存歿盡禮家貧佐夫耕讀日夜
紡績無怠二十八歲夫歿遺二子一女尙幼氏痛
毀幾絕堅志撫孤艱難萬狀後俱成立今氏年已
六十有三親族往來者與言猶不踰閩鄉黨欽之
楊氏邑貢生楊如時孫女適于某年二十三歿遺腹
生一子父母憐其少艾欲嫁之氏以死自誓清操

苦節撫子成立卒遂其志

高氏適邑人秦可紳生子國正甫歲餘可紳亡氏年二十三歲苦節育孤子孫衍慶壽七十六卒

杜氏適邑增生徐再穉之子升升亡無子氏年二十四歲孝事翁姑喪葬畢蕭條無倚仍歸母家紡績度日鄉里義之壽六十八終

賴氏邑人馬仕浩妻年二十九夫亡遺子國行順行秀行德行俱幼家極貧堅志苦節紡績以奉甘旨翁壽九十五卒存歿盡禮後四子成立子孫衍慶

三臺縣志

卷之七

列女

六

氏年八十四終鄉黨咸以節孝稱之

劉氏邑人余渚妻年二十六夫亡守節遺孤輔龍甫四歲氏躬桑麻撫孤成立時氏年六十有四鄉里親戚咸稱其苦節焉

余氏邑人王登華妻年二十四夫亡守節遺一子尙幼氏堅志撫子成立時年五十有九

董氏邑人吳琳妻年二十夫歿遺一子國昌甫三歲自甘苦節撫子成立時氏年七十有二

賴氏邑人李君璋妻年二十五夫歿遺一子尙幼有

以改節商者氏泣之曰妾翁老子幼皆賴妾紡織
養撫曷敢易志氏堅貞不改撫子成立時氏年五
十有八族里欽之

蒲氏邑人劉君賢妻年二十九而寡遺三子俱幼堅
志苦節勤儉持家爲諸子婚娶婦儀庭訓始終嚴
謹時氏年五十有六

李氏係高縣學博李果衍之女邑增生黃本芝之母
年十九適繁邑廩生黃熙甫十月卽遭姑喪氏盡
哀盡禮脫簪珥扶柩歸梓卜葬祖塋之側夫婦居

守廬墓越一載而熙亡黃本芝僅二歲氏哀毀喪
葬痛不欲生惟念夫家無靠弱子靡倚含哀茹慟
攜子依父母居住節操峻厲不畏貧苦其教子也
晝則出就外傳夜則篝燈伴讀厥後本芝成名氏
心稍慰現年八十餘歲里人以爲苦節之報

蔣氏邑人陳永登妻年十七于歸越三載永登物故
氏年二十長子陳遠明甫二歲次子陳遠輝僅兩
月並無家產氏矢志守節依父蔣代友居住勤紡
力蠶桑歲時伏臘菜根必薦雖衣食不充恬如

迨二子稍長教以耕讀弗納於邪名雖未就亦能克家氏現年七十餘猶勤婦職鄉人稱善焉

劉氏邑人候選吏目楊正貴妻庠生燦室女二十于

歸未三載而夫亡遺孤僅三月氏誓不欲生念家

無叔伯不克致命厥後仰事俯育生養死葬咸賴

氏力今六十一克守婦道子通玟亦以孝聞云

何氏邑人廖汝璧妻年十八夫死矢志守節族人利

其產謀奪其志氏引刀欲自刎族人懼謀始寢事

姑克孝姑病氏割股和藥以進沉痾頓起至八十

三臺縣志 卷之七 列女

三歲乃卒氏亦壽至八十二無疾而終撫子國品

謹愿能守成

陳氏邑民沈某妻二十三歲一子僅五歲夫亡守志

孝事舅姑克守夫業壽九十三歲孀居七十年媳

張氏三十歲一子僅九歲夫亡守志事姑以孝壽

八十四歲孀居五十四年孫媳何氏二十歲一子

僅一歲夫亡守志孝事姑嫜壽八十歲孀居六十

年曾孫媳游氏二十九歲三子皆幼夫亡守志撫

子成立現年五十八歲鄉人稱曰四世節孝

王氏處士李昌愷妻于歸未半載入身染重疾氏割股救之不愈而終遂矢志栢舟撫抱兒子爲嗣何氏邑民王嘉善之妻年二十四生一子一女而寡獨居一室寡言笑有清操撫孤成立于正貴國學生娶後亦卒媳宋氏孝姑守節如其母孫三人張孫世成亦早卒孫媳唐氏無所出撫姪爲嗣亦不他適人稱爲一堂三節婦云

蔣氏邑人馮俊藩妻年二十而寡撫二孤或勸其嫁氏曰上有翁姑下有二子何可他適後翁姑攜其長子遷陝西失足落河次子長成已娶復暴病死氏哭之慟隣里哀之現年五十五歲自織自爨貧苦艱辛鄉黨共憐之

鄧氏邑人王文祥妻國學生王鳳習媳也鳳習初無子娶妾乃生文祥祥生三子鳳習亡祥亦繼逝時其祖母猶存三代四節婦各勵貞操而氏年最少蘇氏儒士李光元妻光元早逝氏年二十餘生一子名可章家酷貧日事績紡可章長母子爲人傭工以供口食

王氏邑人葉先桂妻年十八夫亡有遺腹零丁無依
族衆欲奪而嫁之議婚已定王氏知之因與族弟
婦章氏潛逃至章氏母家月餘生一子名三才指
天自矢及後來歸族中知其志堅不敢強乃撫子
三才成立年七十餘卒

李氏年十七適同里劉懷義次年生一子名廷元甫
週歲夫亡矢志靡他誓不再嫁家貧初恃舅氏以
活迨子長成母子相依爲命布衣啜粥浚泊自甘
現年六十六歲依祖塋爲宅每食必祭咸稱節孝

蔣氏邑人蔣懷謨之女年二十歸龍廷玉事翁姑和
順有禮夫亡氏二十七遺腹半月生一男名克登
蔣氏守節撫孤常泣謂子曰爾生未見父當立志
爲人克登志不忘苦讀成名現入郡庠蔣氏勵操
冰雪五十餘載現年八十二歲

毛氏處士李經榮妻結褵未半月而榮病故氏無戚
容亦不食將以從地下翁姑覺而阻之乃稍稍進
飲食逾年以其年少無出勸令改嫁氏斷髮毀容
栢舟自矢爰以榮兄子爲嗣而成其志事翁姑以

孝待妯娌以和教子以義四十餘年里黨無間言
石氏鄆縣石祖懷次女邑人葉自茂妻事姑孝夫申
姑病手足不仁出入飲食必假手於氏身疴癢每
日晡必以湯浴夜不獨眠必與氏並卧巫藥畢具
皆無效至十七年姑歿辛苦奉事十二年中始終
無怨怠鄉曲賢之

滕氏邑人滕典禮之女年十七歸趙萬煥事翁姑克
孝乾隆三十五年夫亡氏年二十八歲子幼家貧
績紡以活送子讀書次子世圻入郡庠四子世儀
入邑庠食餼孫禮欽中嘉慶甲子副榜氏年七十
餘歲身猶康健人以爲苦節之報云

趙氏邑人左世璉妻姑鄧氏孀居持齋氏年二十四
而璉卒長子逢舉甫五齡遺腹生次子逢源矢志
栢舟誓不改適敬養孀姑克盡孝道者三十餘年
姑七十有八而終趙氏今亦八十有二逢舉援例
捐從九職銜逢源邑增生孫九人俱業儒奉璋入

邑庠

楊氏諸生黃本寔妻子黃榜甫襁褓夫卽亡年十九

有姿容富豪咸欲娶。氏讀書知禮氣嚴性正莫能奪其志食貧茹苦撫孤成立至五十餘歲而卒。杜氏邑人梁朝聘妻年二十四歲有一子名梁根甫二歲夫亡零丁孤苦矢志靡他依母家二十餘年撫根成立營創家業梁氏能延一綫之脈皆氏力也後年四十餘而卒。

羅氏邑人廖希仁妻夫歿孀居教子成立長子玉字璞亭品端學遠鄉曲重之由廩貢出署綿州及渠縣訓導近以母老辭不赴職就養於家同堂四世。

內外無間言皆母教也。氏現年九十有四。

鄭氏邑人蔣某妻二十八歲夫亡矢志守節事舅姑唯恐不得其歡心及歿哀毀終喪教子不事姑息孀居五十年每言及亡夫輒涕泣不止現年七十八歲子召芟入邑庠。

李氏邑人羅經妻年二十二歲夫亡無子家極貧以紡績自活或有以再醮爲說者必面斥云撫姪爲嗣歷數十年清操自矢現年六十有八。

秦氏耆民秦光斗之女年十八適處士黃潤科于歸。

二 夫卽病

如日少恩淺勸再

訖拒之曰婦人之義從一而終汝何可妄言撫好
為嗣氏今六十八歲苦節五十年時論嘉之

王氏職員李聯登妻年二十六而孀矢志守節家貧
無嗣一老婢隨以終身現年七十五歲

邱氏邑人姜懷尙妻家貧井曰見操事舅姑以孝年

二十四而夫亡勵志冰霜
他適教子育女勤
儉成家現年八十歲

周氏邑人唐中煥妻年十七于歸三載夫故無子誓

三臺縣志

卷之七 列女

五

不改嫁撫兄子為嗣延師訓誨得列成均奉舅姑
極孝一飲一食非躬親不敢進進則侍立左右食
畢乃敢食戚黨咸稱之今年五十有八

陳氏邑人林豐京妻寄居彭縣年二十二夫亡僅有
遺腹家酷貧其父陳興元力勸改嫁不從奔回三
臺依夫弟鼎京家未三月舉一子名登祐鼎京家
亦貧氏日事女紅撫孤成立有孫四人氏現年五
十八歲

李氏邑人陳永松妻生一子一女夫歿時氏年二十

四甘心守節其姑年四十六孀居氏恐其痛子菽
水奉養強爲溫言豫色以慰之賢聲四達現年六
十有二

周氏邑人高學舉妻于歸二載夫亡遺子甫三月氏
矢志靡他貧茹苦家雖貧事姑至孝甘旨克備
教子成立年九十餘精神尙健孫曾羅列里黨
稱之

龔氏邑人張心恬妻二十歲夫亡無子食貧茹苦
矢志靡他而諸子皆艱於嗣無有承祧者時人莫

不哀其志而悲其窮今年五十有六

陳氏廩生羅克忠妻年二十六而寡有一子名章氏
訓課不少懈姑媳每晨夕必戒之曰汝父有書數
櫃汝若不能讀枉負吾一生苦節因是學益進入
膠庠氏年七十八歲而卒

姚氏邑人高於峩妻年二十生子應康甫六月而夫
亡翁姑又早逝勵志冰霜撫子成立娶媳謝氏生
一子甫三歲而應康亡謝氏年二十三亦守志兩
世居孀撫孤勵節女德之貞莫逾於此姚氏七十

一歲終謝氏今年八十有一

楊氏邑人邵興漢之妻年十九夫沒他鄉家貧無子
舅姑命之嫁氏不從婦兼子職奉侍惟謹舅姑沒
終喪家愈窘無以自存母弟勸之嫁以死自誓現
年四十有餘里閭咸稱之

羅氏邑人蕭學敏妻年十九夫亡有一子甫四月遂
誓自守笑語不苟鄉黨以幽閒貞靜稱之現年五
十餘

謝氏邑人陳兆溥妻年二十夫沒無子以姪元煥爲

嗣節操潔清教子成立今年五十有一

羅氏邑處士劉興位妻夫故孀居家甚貧事舅姑必
以甘旨而已啜糠粃數十年如一日今年八十有
餘

陳氏邑人馬學純妻年二十夫沒矢志堅貞誓不他
適舅姑憐其志爲撫姪啓道啓進以爲之子皆秉
母教孝友誠篤今氏年五十有一

謝氏舉人謝用儀之女歸處士蔣邦壽甫五月而夫
故撫兄子爲嗣勵志守節事舅姑以孝今年二十

有八

吳氏邑人陳文輝母年二十八而寡家貧甚姑老子幼有姪甫二歲亦失怙恃仰事俯畜皆取給於氏十指歷四十年艱苦不渝今年六十有七歲

景氏邑人王慶妻年二十五歲夫沒遺一子承丕甫四歲氏矢志堅貞上事翁姑生養死葬無不盡禮下撫遺子教以義方承丕克列成均孫開俊亦入泮氏年六十一終

蘇氏處士吉德元母夫棄世氏年二十四德元尙弱齡依舅氏氏親督耕種興家立業德元不求仕進好讀書終身手不釋卷氏年八十無疾而卒

文氏處士宋維憲妻憲早故遺子四俱幼家極貧氏矢志撫孤備嘗艱苦子皆成立季子某補博士弟子員

趙氏邑人彭福煒妻二十三夫亡一子名正年甫歲餘趙氏卽以苦操自守事翁姑和順撫遺孤成立現年六十二歲庭無間言

羊氏邑人蔣永富妻年十九而孀一子名邦文零丁

孤苦撫子成立氏節儉成家有丈夫氣現年七十
八歲

謝氏邑人景仕琳母年二十餘而寡矢志栢舟孝養
翁姑始終無倦色性勤績紡家業漸微卒能恢復
前緒爲里黨所重今年八十有餘

陳氏邑廩生李自臯妻年二十八夫亡遺二子俱幼
氏矢志守節教二子俱入膠庠人欽母教焉

林氏邑人彭福焜妻二十六歲而寡子一名正瑗甫
三歲誓不他適上事翁姑克盡孝道下撫遺孤名

列成均現年七十餘歲

吳氏邑人高應敦妻應敦亡遺二子氏年二十一節
操峻厲有逾金石時人以爲蘭蕙之質松栢之心

張氏邑人蕭學景妻年二十一夫亡有二子守節撫
孤事舅姑以孝待妯娌以和現年六十子皆成立

于氏邑生員李輝子啓基妻年二十二歲夫沒子僅
歲餘其翁患病八載氏侍養始終不怠子錦文弱
冠卽入太學未幾卒復撫孫浩智幼補廩膳生曾
孫純修亦列武庠氏年八十四而終今子孫繁衍

稱巨家焉

游氏邑人鄧模哲妻生二子二十六歲而寡甘心苦節課子耕讀年今七十有四

龔氏邑人張理鎮妻廣安州訓導張佐維長媳也年二十一歲鎮故家貧無子或以青年勸醮氏誓死靡他族人憐之議姪爲子孝事翁姑始終弗懈年今五十八歲族黨咸稱其孝焉

趙氏邑廩生汪宏偉妻宏偉故時氏年二十有四孀居自苦撫一子成立至今六十四歲

三臺縣志

卷之七 列女

三

李氏邑人齊睦陵之妻其夫年二十三而死撫同族子早亡婦織紡餬口以節自持今七十三歲

趙氏國學生獨克紳妻生子肇先夫沒氏年二十八歲七旬父翁已老六歲孤兒失怙旣無叔伯終鮮兄弟矢志守貞孝慈兼盡現年五十二歲

姚氏邑人徐際亨妻生一子添倫甫週歲而夫沒氏年二十一歲自甘苦節撫子成立幼入太學年今七十有四不輕言笑閭里咸欽仰之

譚氏邑職員李聯發妻乾隆丙辰科舉人譚綸之三

女也事翁姑克以孝聞夫沒撫庶出如已子凡衣食教誨婚姻嫁娶罔弗經營周至惟恐墜房家聲現年七十有一

李氏邑民譚景嶠妻黃龍山州判譚綬第四媳也夫早沒翁致仕歸里氏迎養於家十餘年問安視膳始終弗懈其翁嘗云吾兒雖沒媳愈子也今問黨猶嘖嘖稱道弗衰

羅氏邑庠生張啓宇妻嘉慶甲子舉人張文端之母事翁姑極孝凡衣服飲食親爲檢點幼聰能識字熟讀孝經每遇親隣男婦必詳爲講解里中稱爲女師

節烈

蜀漢

杜慈涪杜季女巴郡虞顯妻也十八適顯顯亡無子季欲改嫁與同縣楊上慈曰受命虞氏虞氏早亡妾之不幸當生事賢姑死就養成室存亡等但欲存終供養亡不有恨願不易圖季知不可告而奪也乃密謀與強逼迫之慈縊而死

楊敬涪郭孟妻楊文之女也始生失母八歲父爲李盛所殺無宗親依外祖鄭行年十七適孟孟與盛

三臺縣志

卷之七

節烈

三

有舊盛數往來孟家敬涕泣謂孟曰盛凶惡薄命爲女非男比但惡讎未報未嘗一日忘雖曰婦人拘制然父子恩深恐卒狂惑益君禍患君宜疎之孟以告盛盛不納安漢元年盛至孟家敬以大竹杖殺盛將自殺孟止之與俱逃涪令雙勝出追聞其故而止安慰其門會赦得免中平四年涪令向遵爲立圖表之

晉

李秀舊州人寧州刺史加龍驤將軍李毅之女李釗

之妹適漢嘉太守新都王載明達有才智頗具父
風時五茶夷叛攻圍州城救援不至毅疾病薨於
窮城州文武推領州三年秀獎勵將士嬰城固守
糧盡乃拔草而食伺夷稍怠輒出兵掩擊破之

明

張氏舊州庠生岳廷鳳之妻被賊執大罵之遂見殺
事聞旌表

張氏舊州王以衡妻衡訟被笞將死張舉首撞地泣
謂曰君必不起我先死待君地下是夜自縊以救

三臺縣志

卷之七

節烈

三

免衡死張勺水不入口旬日亦死年十七

謝氏舊州王姓某妻王卒氏年二十翁姑欲奪其志
嚴拒之既而勢不可爭乃散所有於衆夜閉室自
縊直指上其事建坊表揚

楊氏舊州人年十五于歸夫歿楊割鼻剪髮誓志守
節年八十事聞旌表

劉氏舊州楊高峯妻年二十遺三歲子春甫劉刺面
以痕截指誓志撫子成立至八十卒

貢生楊先憲妻崇禎甲申被賊執大罵不

縑身殺取其首夫以木首葬之

吳氏舊州進士李爲鼐妻夫遠出聞賊至成都恐爲
所辱遂預縊死

莫氏舊州憲臺女舉人李昌齡之妻初獻賊戮城莫
氏與齡同逃至河岸賊逼甚泣謂齡曰君急自保
勿以妾爲慮遂投水死

黃氏舊州黃孝廉文麟之女適歐侍御次子庠生如
虹賊據蜀拘其闔門氏罵不絕口及至張賊前尤
厲聲痛詈賊遂怒殺之

三臺縣志

卷之七 節烈

三

皇清

賴氏邑人馬榮俸之妻其族人馬雲希素無賴值榮
俸出欲污氏忽持刀入室脅以不從則死氏力拒
之厲聲喊罵雲希知事不諧也果殺之乾隆四十
九年奉

旌表

唐氏邑庠生董叙妻二十歲于歸克勤婦職事翁姑
如禮夫婦莊敬如賓初叙從中江進士林愈蕃有
名乾隆壬午遊庠癸未旋天氏無子痛哭數絕

家人百方譬解志不可移遂閉戶自縊時年二十
有六與叙合葬焉林愈蕃知湖南鄱縣事聞之弔
以詩載敬義堂詩集 自從分袂隔關河執手無
由淚轉多方幸芹宮初聽賦那期蒿里遽興歌忠
勤僅可醫澆俗時命偏能惹妒魔墓上卽今封宿
草他年何處哭山阿 茫茫修短孰能同迴首悲
歡一瞬中送我長途神欲往哭君遠地夢難通有
妻就穴風斯烈無子傳家命亦窮商訂文章今在
否九泉應恨蠹書蟲

熊氏邑人文典之女適某家遭家門強暴初欲犯之
自縊曾救免繼復然乃死

黃氏邑人黃榮女幼許同里何天貴爲婚天貴流蕩
不歸二十餘年其父文進深以悞女爲恨欲另適
他姓氏矢志不遂自縊死乾隆四十九年詳請給
匾以彰節烈

王氏邑人王朝現女處士陳洪才妻嘉慶五年教匪
渡涪江避入山中後聞賊西去攜三子一女將還
家適 制府勒公 參贊德公大兵追剿賊敗逃

返渡涪水驟如蜂至氏猝遇度不能免謂十一齡
長子德榮曰汝速逃以延陳氏我與汝姊及弟皆
死於是矣其女年已十五氏以帶縛其足先投於
河後與二幼子同赴水死德榮痛哭亦隨母躍入
漂流數里遇救復甦一門四口同時死難其志可
嘉而其事可哀矣

任氏處士任本顯之女邑人黃某妻嘉慶庚申年教
匪犯潼川脇氏去氏罵曰吾士族女豈從汝苟活
遂投水死數日賊退家人獲其屍顏色不變凜凜

有生氣

貞女

皇清

陳淑貞邑人陳王品次女幼許張翰文子爲婚尙未完配嘉慶五年教匪過涪江翰文父子避賊去不知所終後王品夫婦亦相繼死女守貞不字七年間諸父陳王瑞欲奪其志女自經遇救得免族黨鳴於官答王瑞而旌其門女今年二十九矣布衣茹素足不出閨闈

烈女

明

錢氏二烈女舊州錢汝吉女長菊秀年十七次粉嬌年十五俱有殊色天順間賊首吳昇掠鄉村汝吉遇害二女義不受辱投涪江死

楊賽姑舊州劉嘉雄女正德間流賊肆掠賽姑避於大獲山賊搜獲之大罵不從賊怒斷其手旋自縊

皇清

田女邑處士田穀次女也幼許袁氏未歸嘉慶庚申

三臺縣志

卷之七

烈女

三

教匪入境女隨母避難遇賊於道欲偪之女給曰我渴甚將飲水從容赴河干大聲罵賊投水而死賊去家人獲其屍面色如生至今鄉里咸稱道之劉女邑人劉宗賢女嘉慶五年教匪猝至見其美欲汚之女偕母某氏踴投河而死

三臺縣志

隱逸志

唐虞之世不少許由巢父巖棲谷隱之人所謂士各有志其寄懷冲澹疾痼烟霞雖

聖王在上正無庸相強也鳳嶺靈峯之上涪江邛水之間白雲蒼茫紫芝蕨蕤往往有樂饑高蹈者流方之孤山和靖卜肆君平混跡風塵超然物表者何多讓焉歷稽前漢以至於今代異而人足紀身隱而名較著者僅得十人是豈希高絕俗純盜虛聲之士譏北山之移文

三臺縣志

卷之七 隱逸

三

假終南之捷徑者所可並論哉

漢

馮 信字季誠邽人躬耕讀書教授生徒終身隱居不仕人罕識其面

王 祐舊州人隱居不仕陳紀山善知人稱祐爲天下高士

羊 棊舊州人爰興時三舉孝廉又辟州別駕皆不起隱居以終

李 助字翁君涪人通名方伎醫術作經方頌諱隱

居終身

唐

趙 蕤舊州人明皇屢徵不就隱於長平山博考六經諸家異同之旨著長短經明王霸天人大畧李太白嘗造其廬以師禮事之

宋

蘇伯起舊州人易簡九世孫博學好古聚書萬卷靡不窮究劉德修舉賢良方正吳德夫以遺逸薦於上皆不應

三臺縣志

卷之七 隱逸

四

明

申 錫舊州人常作先天太極諸圖自一歲一月一日一身皆有圖說至於九疇會極中央三極中星合極復分畫而附益之又作三易圖以釋其義讀書至老不倦

錢

仁舊州人字孝盤博極羣書善吟咏有唐詩品類全部暨樂隱集梅花百咏著述甚富其手筆酷似張燕公居百里外足跡不至城市郡守胡纘宗聞其賢時單騎就之與訂縞紵交

周 震舊州人博學能詩隱居不仕年九十作自輓
詩無疾而終人號曰清風高士

趙文景字可瑞號卿雲原籍湖南邵陽人四歲失怙
遭家多難於康熙辛巳年入蜀卜居邑西解元溝
讀書立品行止不苟濟人之急成人之美隨分行
之終身不倦鄉里稱善人暮年於斑竹園築靜室
三楹以經史自娛有過訪者相與抗談忠孝節
井井有條此外無他嗜好不求聞達宴如也識者
目爲隱君子有子五人四冠林康熙五十六年己
亥列舊州庠五冠桂中雍正丙午科舉人任山西
黎城知縣人謂積善之餘慶云

三臺縣志

流寓志

蜀中山水奇秀甲於寰宇寧獨峩眉劍閣巫峽錦江爲擅勝之區古來搜奇攬異者不畏蜀道之艱每多遠馳登笈流連棲止而不能去而名賢哲士謫居避地偶托萍踪逸興遄飛遙吟俯唱一時軒車所至有足爲山川增色者三邑卽古梓州地東山兜率良會常經西郭牛頭登臨屢至其清風雅概卽于百世下希踪高躅猶復膾炙人口並可與涪鄴高隱相得益彰追溯古人芳徽足仰故於隱逸之後考而志之

唐

王勃字子安唐書云六歲能屬詞九歲讀顏師古

漢書注作指瑕以擲其失年未冠對策高第尋以專斥廢遂客劍南寓梓州有鄴縣兜率寺浮圖碑中江鉉武山賦并旅眺詩已見山水古蹟各志

楊炯與子安齊名謫梓州司馬參軍後遷盈川旣

卒還葬潼子孫因家焉炯有梓州惠義重閣銘長江先聖碑見古蹟志又盧照鄰亦有宴梓州南亭

詩序按照鄰爲新都尉何以至潼其詳無徵附記
於此

李 白字太白蜀之彰明人隱居大匡山嘗往來旁
郡依潼江趙徵君蕤歲餘而去今郡城西西溪一
名濯筆古傳白訪徵君習書於此故白在淮南卧
病書懷寄徵君詩云 吳會一浮雲飄如遠行客
功業莫從就歲光屢奔迫良圖俄棄捐衰疾乃綿
劇古琴藏虛匣長劍挂空壁楚冠懷鍾儀越吟比
莊舄國門遙天外鄉路遠山隔朝憶相如臺夜夢

子雲宅旅情初結緝秋氣方寂歷風入松下清露
出草間白故人不可見幽夢誰與適寄書西飛鴻
贈爾慰離析

杜 甫字子美襄陽人肅宗時入蜀卜居成都尋避
徐知道之亂客梓州一年凡潼屬如射洪鹽亭中
江經公遊路皆有詩已散見各條

楊廷輝華陰人爲晉安令遂家潼川

元

程士元洛陽人性謹厚多涉經史爲涪城尉遂家焉

元季兵燹流離轉徙及洪武末年九月十七日自
慶曰身爲兩朝士眼見四世孫

明

彭齡字幼朔不知何許人寓蜀之潼川自稱鄒長
春來吳中號曰甌餗子游楚中又稱祝萬壽又改
馮姓居涿州或問何故數更姓名曰此逃劫法也
楊漣病死齡袖出藥一粒活之與人談皆百餘年
前事又常言與某某等同朝竟莫知爲何許人也
死後兩月有人乘馬攜尺素扣李祖修門發之則

三臺縣志

卷之七

流寓

四

齡手跡後一年又有人見之登萊山下

王德成武進人洪武中編戍秋林攜子九臯九齡同
行遂定籍於潼後五世同居積善好施人多頌之
著有樂志堂集行世

文天富麻城人登進士任至兵部左侍郎立朝剛正
適畿內天旱危言直諫觸其不諱謫潼川長豐井
鹽課司遂家焉

文氏傳

州治之東五十里霍族居之世系不同一則爲倖

郎之後也侍郎姓文麻城人登進士仕至兵部左
侍郎立朝剛直適畿內天旱直諫危言觸其不諱
謫潼川長豐井鹽課司無子娶鄉叟霍覺清之女
霍亦無子欲易文姓以霍公曰欲易姓其待所出
乎文霍迭姓可也子孫因之世居於潼萬子曰觀
文侍郎先生委曲於忠孝之故姓雖易猶以爲未
易也謫潼而終潼娶霍而爲霍輕棄其父母之邦
而重革其祖宗之姓稍知立名砥行者所不爲而
謂直諫事君之賢如侍郎而爲之乎古大臣見斥

於君非召還不敢還往往以投閒置散之地終其
身侍郎官至副司馬之位不爲小矣萬里孤臣賜
玦也而未賜環方凜凜焉僅守卑秩以俟君之命
而誰敢私歸故里乎終於潼忠也君父無二道見
斥於君則不得近於君旣不可以爲人臣不得近
於君則並不得近於父倘無後而懟於父尤不可
以爲人子娶於霍孝也然娶可也易姓而爲人後
不可也孔子射於矍相之圃觀者如堵使子路揚
觶而告之曰爲人後者勿入甚拒之曰侍郎非爲

人後者也其與霍相約曰常吾身之姓不可易其
侯所出之後乎是明明以己姓之不可易自處於
爲後之不可祧而後之子孫卽欲祧之而不可得
則非易文而爲霍實借霍以存文也則是不但我
不爲人後卽後之人亦未嘗爲人後也然曷不取
其姓而一之也舜禹稷諸人皆黃帝之後遂以姓
之不一而不謂爲黃帝之後乎孔子殷人子姓也
原於宋遷於魯而孔之曾子鄒人姒姓也禹之後
封於鄒後之人遂去其鄒之邑傍而曾之孟子鄒

人而原於魯姬姓也桓公分其子爲三家有孟孫
氏後之姓因其家之長而孟之則是孔之爲子曾
之爲姒孟之爲姬卽工虞水火之官其姓皆風也
宗其姓而支其氏古者官姓氏而長子孫聖賢皆
然何獨至於侍郎而疑之並侍郎之後而亦疑之
凡此者皆委曲於忠孝之難爲而爲之也侍郎以
進士起家官至司馬乃膺臣子之故而委曲於忠
孝之難爲是以近侍郎之世沒於榮名而不急急
於仕進其意深且厚雖靈爽而顯歿後之神明科

名而來出亡之苗裔尙未足遐暢令緒宏沛潛德也迨夫純素稱於孝子

以下俱子孫實事可考

安土亂於方

伯姓名徧於蕭寺功德著於橋梁繩繩祖武衣冠不墜中葉以來又篤一偉人志高而難屈力毅而易行悵一已之未學督諸子以從儒自家塾而勵之學宮也惟仲與季於天得其恒於人得其遯亂世不能殺龍飛之運奮於江源鴻漸之磐安於海表而其胤子品貴積學年富多男不必效前人欲復姓而阻於異議也而其命子也霍文如覆姓然

近以襲相仍之宗遠以承不祧之祖侍郎以來於茲十世且伯仲之謀扶襯於數千里者遑遑而罔極也委曲於忠孝之傳不更彰彰乎使爲之後者如河圖而大衍之百世可也十世云乎哉昔范匄對叔孫數其祖自陶唐御龍豕韋以至唐杜以遞於范閱千世言之如環亦猶是也

皇清

羅文源江南江寧人雍正初年任潼川州吏目端謹守潔兩袖清風罷官後貧不能歸遂家焉孫輝宗

入三臺邑序

三臺縣志

卷之七

流寓

吳

三臺縣志

仙釋志

釋老之害過於楊墨昌黎闢之嚴矣釋氏以虛無寂滅爲宗老氏以煉氣修真爲主二氏之教亦垂戒於因果報應其與易之何思何慮書之福善禍淫殊途同歸似又未可盡闢也蜀自李耳畱踪普賢過化遺傳祖述代不乏人縣境靈峯寺有婆叟仙療疾之異雲臺山有趙氏子遺蛻之奇越世匪遙姓名足紀非如齊諧志怪聊齋志異之誕妄不經若因其因果報應合於吾儒福善

三臺縣志

卷之七

仙釋

七

禍淫之說就所明而利導之俾漸知夫經常大義則又何必人其人火其書廬其居也

漢

張道陵生於吳之天目山學長生道入蜀居鶴鳴山山有石鶴每鳴則有得道者道陵居此漢安元年石鶴鳴感老君降授以祕籙遂領弟子趙昇王長至雲臺山煉大丹服之白以功成道著乃於半崖躍入石壁中自崖頂而出因成兩洞上曰峻仙洞下曰平仙洞時永壽二年九月九日將諸祕籙玉

册玉印斬邪劍授長子衡乃與夫人雍氏登雲臺
峯白日飛昇

唐

一 新舊州治向無鹽井一新遊蜀至此指其地鑿
之巖泉湧出因建寺奉其遺軀焉

董 仲舊州人其詳不可考今城北有董仲書崖世
傳以爲仙窟

法 真舊州人妙齡夙悟南遊見藥山道人次石嶺
外大瀉會下清苦煉行瀉深器之一口問曰闍黎

三臺縣志

卷之七

仙釋

五

在此不曾問一轉語師曰教某向甚麼處下口瀉
曰何不道如何是佛師作手勢掩瀉口瀉歎曰子
真得其髓矣還蜀寄錫天彭山山有古樹圍四丈
餘南開一門中間不假斤斧師因遊息其中時人
遂號爲木庵禪師云

黃鹿真人舊梓州民家女幼爲道姑慕黃冠之學修
煉於青虛觀能利濟居民後駕黃鹿騰空而去宋
紹興辛酉楊續矩齋氏有傳

黃鹿真人者東梓人也姓馬名道興小字愛娘年

七歲失所怙恃鞠養於祖少有英標不喜華飾雅性冲虛欣慕黃老之學日誦千言一覽輒能記憶雖風雨寒暑不輟或勸以子女之職當勤婦工而歸慕元虛何補容德但笑而不答人亦莫知其意時有野服黃冠士年踰七十顏如渥丹貨藥於市仙女戶隙見之如有夙契因延至內坐請問修真之訣師資相投遂授鉛汞符篆要術於是束髮頂冠歸身至道因易道輿之名一日請別仙女詰其姓氏曰汝無問我久當自知畱詩而去詩云女是

寄生枝男是冬青木冬青駕白鵝寄生跨黃鹿若遇寇相臨穩便拋家族早早上三清莫候丹砂熟仙女旦暮諷吟不絕於口俄而年已及笄迺祖逼以聘事族議詳定確不可辭仙女歔歔流涕膝行而前曰女宿值不幸幼鍾酷罰膝下愛養將終身焉今蒙家室之論雖恩德深重有亡啣戢然野性荒疎志友麋鹿舉案之勤非女所願迺祖憫之不靳其欲翌日命一女奴攜囊杖策穿雲而去旣而夜經林麓迷失故道忽覩燈燭熒耀若相道引者

仙女躡足前窺見衣冠五人宛然若古圖畫中所繪者俱厲聲曰仙女誌之卜菴於此卽成道矣言訖隱去黎明仙女徘徊四顧見山朝水會氣象鬱然真神仙窟宅遂稽顙拜禮謂女奴曰自非神指示何以臻此乃尋居民詢以職方所載隸屬之部居人曰東南之梓州涪城中江西北之絲州巴西羅江相距各五十里爲界卞市是時世道尤多盜賊且又連年荒歉仙女爲捐所有墾開荒蕪蔬繫汚塞播種以時使民無艱食之患歷四十餘年仙

女修真養氣日復精勤歲在懸居童顏不易營建別館以延有道之士一日舊所遇貨藥者忽至謂仙女曰汝之功業漸已成矣而外丹未應故欲相授指訣乃於瓢中取藥點土石磚爲金銀各百以填丹臺祝之曰勿用自守當有神護坐歷三載丹硃自成則汝脫身輕舉矣勉勵前修謹無中廢嗣後屢有盜賊睥睨鎮壇之物中夜變怪百出無不狼狽而走及期月風雨暴至壇下地裂甘泉沸湧銀變白鵝遊於池金變黃鹿遊於市人無得而近

心至唐天祐改元八月朱全忠行崔杼之事昭宗崩全忠矯詔立輝王唐運告終奸雄蝟奮三年正月羣盜踵仙女之菴抽戈直前仙女語之曰汝等敢行恣睢得無逆天理乎苟無害居人則菴中所積悉以相餉凶人未有足色將不利於仙女已而黃鹿白鵝突然而至於是仙女跨鹿風雲四起白鵝翔鳴前後攝引騰空而去舊有丹竈尙存至是火烈雷吼爐中光彩射天少頃空中晻靄天雨琉璃擲地有聲歷時而化異香馥郁終日不散羣

盜悲哀悔謝投戈而退居人以仙女之德及人也深衆廣其庵以狀聞於蜀主王建顧謂侍臣曰此蜀國祥事也遂以卡市爲黃鹿鎮因賜青虛觀一名而命高行黃冠焚獻云嗚呼自唐末歷五季以我宋中興皇運幾三百年矣仙女之事寂然無聞於世獨里人李惟聰懼黃鹿之迹湮滅不傳博採耆舊參稽野史纂集大概持以示余而欲編次爲文以聞當時勒之碑石以傳後世余與惟聰有嘉其用心故不得辭謹爲叙次所聞以爲蔡邕

採擇皇宋紹興辛酉歲下元日矩齋書

王杞字昌遇東川獄吏盡心獄事多陰德遇異人授以仙訣詩百篇深契易理大中末舉家仙去賜號保和道人今城內保和觀卽其飛昇處

宋

周野雲舊州人以琴遇知當路淳祐年間甫二十謁余制置玠於蜀常畱某寺因縱步林間聞叢密中戲笑聲卽之則五六童子席地而弈野雲拊之童子但頷之而已野雲意貴宦子弟心稍不平但素

三臺縣志

卷之七

仙釋

書

好弈遂蹲而觀之須臾一童子攜尊俎至野雲渴意可及已因問諸郎君何處童子不答舉尊酬酢談笑自如旁若無人野雲怒起一童子目之曰我輩此樂不減橘中之老君謂何如捧盞目一童子酌酒令飲野雲搖首一童子捧俎令取果野雲亦不顧而去一童子曰彼安能忘情堤上金絲也又一童子曰此人心事亦好但易怒耳一童子曰二十年後須當憶我野雲歸以語僧怪之偕往舊處見果核狼籍而已僧曰是仙童也野雲大恨無緣

既而某太守妻之以妾名垂楊始悟堤上金絲之
說後追憶仙童力意元門遊青城山或傳亦得道
去

趙法應別號肖菴舊州人生於望君山之左趙村堦
幼常手弄一笛而歌曰肖菴手內一竿竹不可絕
來不可續惟有神仙打得熟甚著靈異年十五
雲臺結茅修煉至十八募鐵數百觔鑄元帝像高
數丈濶稱之一夕風雨晝晦忽自五里許移置山
頂遂畱偈云武當駕遊至飛鳥茅屋雲臺天下無

三臺縣志

卷之七

仙釋

三

又云脫落一貧道謫凡十有九記其歸去時再
重陽酒果於次年九月端坐化去人以爲元帝
世也遂奉遺蛻於鐵像之右其遺蛻歷元明兩日
不陷髮潤如生萬歷中遭大劫乃毀而靈爽如故
張守虛字無知鳳翔人嘗賣藥於梓州因訪友過金
雞遂棲真名山延禧觀後仍歸梓州號落魄仙以
九日飛昇

明

馮龜山舊州人嘗修煉於治東二十里鳳頂山下後

遇異人得道術仙去號龜山真人有玉輔
字古碑尚存

清 鳳舊州人生時有光射室父母驚異及長聞經
語立聽不倦一僧云此子有善根當成之父合祝
髮後遊名山得岐黃術自謂我當活人是年果瘟
疫流行僧藥到處卽愈全活甚衆後跌坐而化

城為墓封土曰墳孔子云某也東西南北之人不可不識也於是封之崇四尺此墓之所以有高壟三臺向無陵寢至於前哲墳墓有可考而識者皆集而錄之並為封域以禁樵採其無從採証者不敢備錄

宋

蘇易簡墓

前志載墓宅俱在邑南八十里今訪得

三臺縣志

卷之七 陵墓

七

邑南景福院地名閣老灣有蘇公祠遺址祠旁即蘇公墓雖碑碣無存而鼯鼠尚在附近地名麟閣灣古牆壁立形局寬展今居民開墾成田者有天井曲池等規制相傳為蘇公地宅云

蘇狀元墓碑序

邑令 沈昭興

言謂欲納斯民於軌物必舉老成典型為之標準即其流風已邈而塋兆所存亦當加意焉所以式閭封墓在古且然豈得以世遠年湮一任其泯沒而不彰耶蘇乾元生諱易簡字太簡梓州人即今之三臺也宋

進士試第一官翰林學士承旨太宗嘗飛上

之署四字賜之曰美卿居清華之地也一日侍宴
以君臣千載會命對先生應聲曰忠孝一生心上甚
際盡以席上金器賜之徐鉉謂其孝誠可以表人子
學可以勵後進好尚可以激偷薄言行可以型有位少
參知政事卒贈禮部尚書有文集及文苑英華文房四
譜行世子耆官工部尚書有文集及文苑英華文房四
草書官三司度支判官著有才翁集次孫舜欽負氣節
有才名范文正公薦於朝召爲集賢校理官大理評事

三臺縣志

卷之七

陵墓

三

出爲湖州長史著有滄浪集父子祖孫後先輝映誠蜀
中一代名臣尤爲三臺之偉人也先生文章經濟光昭
史冊炳蔚古今特其墓之所在考諸舊志僅載在治南
八十里而未詳其地而廣漢銅官亦傳有先生墓蜀都
人士每多傳誤壬申夏余奉檄修縣志以李廷振周尙
河兩孝廉讀書好古且生於斯長於斯得諸父老傳聞
多耳熟因屬以採訪事隨於邑南景福院地名閣老
考有蘇公祠舊址其旁卽先生墓雖碑碣無存而曩
在特爲牧豎所樵採農夫所凌夷余瞻拜之下不

勝撫今追昔之感兩孝廉毅然以培修爲已任而地主
李生亦好義士於是更新封域重立豐碑請序於余余
旣喜先生之慕從此昭人耳目而嘉兩孝廉之志爰述
其大畧勒之貞珉俾後之人仰其名而慕其行是亦寓
教化之意焉彼廣漢銅官之訛可不辯而自明矣若夫
三臺士子果其觀感奮興力學敦品能繼先生而起者
則又余之深望也是爲序

元

中丞趙成慶墓 在治東五里涪江之濱

三臺縣志

卷之七

陵墓

三

明

吏部郎中朱培武墓 在治西三里麻石橋土人名

天宮墳

進士湯虺墓 在城南盤龍山下

神童張世耀墓 在縣西五里水觀音明萬歷年間

舊州人張懷鹿之子三歲誦詩四歲授以四子書
過目不忘習黃庭楷書能解其義七歲而殤鄉人
比之楊烏今墓碑尙存

皇清

福建提督諡恭愨譚行義墓 在治南二十五里獅子山其山形猙獰如獅故名

大名協副將譚結墓 在治南二十五里

贈通議大夫王干城墓 在治北萬壽山後係王新命父

贈榮祿大夫王永命墓 在王干城墓之左係王新命從弟

廣東總兵樊經文墓 在治南七里蒙家坡

川北鎮總兵朱射斗墓 在鳳凰山北麓仙人掌

三臺縣志

卷之七

陵墓

三

朱公木黔人嘉慶五年征剿教匪陣亡羅鍋塲被賊支解從人覓獲一足葬此

塚 在縣西里許牛頭鳳凰兩山之麓俗名官山
乾隆三十六年邑令徐世楹置士民立有碑記